



BASES DA CONVOCATORIA PARA A COBERTURA TEMPORAL DE 4 POSTOS DE TRABALLO DE ATS/DUE (E OUTROS QUE PUIDERAN XURDIR, POR NON HABER CANDIDATOS NAS LISTAS DE PERSOAL LABORAL DA XUNTA DE GALICIA EN LUGO, DURANTE O ANO 2019 E ATA O 31/01/2020) POR AUSENCIA DOS/AS TITULARES

Primeira: Convócase proceso selectivo para a cobertura de catro postos de ATS/DUE Grupo II categoría 2, do V Convenio Colectivo Único para o persoal laboral da Xunta de Galicia.

- 3 na Residencia de Maiores de Burela: do 17/05/2019 ao 23/05/2019; do 9 ao 15 de maio; redución de xornada desde o 15/05/2019.

- 1 na residencia de maiores As Gándaras: 17/05/2019

Segunda: A participación neste proceso leva implícita a aceptación das presentes bases, e os interesados deben reunir os seguintes requisitos a data 09/05/2019 ou no momento de presentarse para a súa inclusión nesta convocatoria pública (aberta durante o ano 2019 e ata o 31/01/2020)

- Ter cumprido os dezoito anos e non ter acadado a idade de xubilación forzosa.
- Non padecer enfermidade nin estar afectado por limitación física ou psíquica que a xuízo dun facultativo, impidan ou limiten o desempeño das correspondentes funcións.
- Non ter sido separado mediante expediente disciplinario do servizo de calquera das administracións públicas, ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial.
- Cumprir a normativa sobre incompatibilidades do persoal da Xunta de Galicia.
- Posuír a titulación de:
 - a) Diplomado/a en enfermería
- Estar en posesión do certificado do curso de perfeccionamento en lingua galega ou certificado CELGA 4. Só se lles concederá validez aos cursos ou titulacións homologados polo órgano competente en materia de política lingüística.

Terceira: Tras a petición dun mínimo de tres candidatos por cada unha das prazas convocadas no respectivo ámbito xeográfico ás Oficinas de Emprego de Burela, e Lugo formalizada mediante as respectivas ofertas de emprego xenéricas, e a exposición desta convocatoria nos taboleiros de anuncios da Xefatura Territorial da Consellería de Política Social en Lugo (Edificio Administrativo – planta baixa – Ronda da Muralla, núm. 70), das anteditas oficinas de emprego, e dos respectivos centros de traballo, convócase aos interesados, polos respectivos anuncios e as presentes bases, para que, en chamamento único, concorran ao acto público que terá lugar o mércores **15 de maio ás 11:00 horas, na sala de xuntas da Xefatura Territorial de Política Social (edificio administrativo – planta baixa – Ronda da Muralla 70)**, acto no transcurso do que deben achegar a documentación xustificativa de reuniren os requisitos exixidos, e a dos méritos que cada un deles alegue en relación coa base sétima.

Cuarta: Os aspirantes achegarán a documentación que se indica:

- **Fotocopia compulsada do DNI.**
- **Fotocopia compulsada da titulación académica.**
- **Fotocopia compulsada da certificación do curso de perfeccionamento da lingua galega ou CELGA 4.**
- **Fotocopia compulsada dos documentos acreditativos dos méritos alegados, segundo o baremo que se establece na base sétima. Os méritos que non se aleguen e non se acrediten, non se terán en conta.**



Para acreditar os servizos prestados da base sétima 1,2 e 3, achegárase fotocopia compulsada dos **contratos** e orixinal da **vida laboral**.

Quinta: Constitúese unha comisión de avaliación formada por tres membros, destes últimos un ostentará a condición de presidente do órgano de selección, e outro a de secretario.

Sexta: Logo do acto público a que se refire a reiterada base terceira, por proposta da citada comisión, nos mesmos lugares onde se publicaron as bases da convocatoria, exporase a relación provisional de admitidos e excluídos, coa indicación das causas de exclusión e o resultado do baremo dos méritos xustificadas polos aspirantes.

Os acordos da comisión de avaliación poderán ser obxecto de recurso de alzada.

Sétima: O sistema de selección consistirá en avaliar os méritos alegados e xustificadas polos aspirantes, segundo o baremo seguinte, de acordo co establecido no anexo III (en relación co artigo 7) do Convenio Colectivo para o persoal laboral da Xunta de Galicia:

1. Por cada mes de servizos prestados na Xunta de Galicia na mesma categoría a que se pretende acceder: 0,15 puntos/mes.
2. Por cada mes de servizos prestados noutras administracións públicas na mesma categoría e referidos aos últimos 5 anos: 0,10 puntos/mes.
3. Por cada mes de servizos prestados nas empresas privadas na mesma categoría e referidos aos últimos 5 anos: 0,05 puntos/mes.

A suma da puntuación das alíneas a), b) e c) non poderá exceder de 5 puntos.

4. Por cada curso directamente relacionado coas funcións propias da categoría á que se opta organizado e impartido directamente pola Escola Galega de Administración Pública, Fegas, Academia Galega de Seguridade Pública, INAP, escolas oficiais de formación das restantes comunidades autónomas, universidades, Inem, Dirección Xeral de Formación Ocupacional da Consellería de Traballo e Benestar, cursos de formación continua do AFCAP.:

- Cursos ata 25 horas: 0,1 puntos por curso.
- Cursos de máis de 25 horas e menos de 75 horas: 0,2 puntos por curso.
- Cursos de 75 horas ou máis: 0,3 puntos por curso.

5. Polo coñecemento acreditado do idioma galego (só se valorará o grao superior alegado) e que sexa superior ao establecido como requisito de acceso.

- Grao superior ao de perfeccionamento /Celga 4: 1 punto.

Concederase só validez, polo que a acreditación do galego se refire, aos cursos ou titulacións homologados polo órgano competente en materia lingüística da Xunta de Galicia.



6. De producirse empate na puntuación resultante do anterior baremo, acudirase para dirimilo á outorgada polos méritos alegados segundo a orde establecida na sinalada base sétima, e de persistir o empate, a favor da primeira letra do primeiro apelido, segundo a orde establecida anualmente na RESOLUCIÓN do 24 de xaneiro de 2019 pola que se fai público o resultado do sorteo a que se refire o Regulamento de selección de persoal da Administración da Comunidade Autónoma de Galicia, e que para o ano en curso é a letra "Q".

Non obstante o anterior, no suposto de infrarrepresentación do sexo feminino aplicarase o disposto no artigo 40 do Decreto legislativo 2/2015, de 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.

En todos os apartados precedentes, só se terán en conta os méritos que o/a solicitante reúna o día 09/05/2019, independentemente do momento de incorporación a esta convocatoria pública.

Oitava: En ningún caso a comisión poderá declarar seleccionados máis de catro candidatos, por ser este o número total dos postos que se convocan.

Sen embargo, poderanse propor como suplentes aos/as solicitantes que cumpran os requisitos para o acceso ás prazas e pola orde de puntuación obtida, para o caso de renuncia das persoas seleccionadas.

Tamén se poderán elaborar listas por ámbitos xeográficos (Lugo; Sarria; Monforte de Lemos e Burela) cos/as solicitantes, para a cobertura de novas prazas para as que non haxa candidatos/as nas listas de persoal laboral da Xunta de Galicia, considerando esta convocatoria aberta durante todo o ano 2019 e ata o 31/01/2020, podendo polo tanto incorporarse persoas a ela en calquera momento e ámbito. No caso de que a necesidade de cobertura se produza no ámbito de Monforte de Lemos e Sarria, tramitarase, con anterioridade á cobertura, unha oferta de emprego ante a oficina de emprego de Monforte de Lemos e Sarria segundo corresponda.

A adxudicación das prazas realizarase de acordo coa puntuación obtida en aplicación da base sétima. O candidato/a con maior puntuación de cada ámbito elixirá entre as prazas ofertadas dentro dos ámbitos nos que estivera anotado/a, e os seguintes en orde decrecente de puntuación continuarán elixindo entre o resto das prazas ofertadas que vaian quedando de cada ámbito. No caso de acabarse a lista correspondente a un ámbito xeográfico continuarase chamando do resto dos ámbitos segundo unha orde preestablecida.

As persoas que se incorporen con posterioridade, colocaranse na lista do/s ámbitos respectivos segundo a puntuación que acaden de acordo cos méritos acreditados que o/a solicitante reúna o día 09/05/2019.

Antes de chamar a calquera persoa seleccionada mediante oferta de emprego e/ou esta convocatoria pública comprobarase a inexistencia de candidatos/as nas listas de persoal laboral da Xunta de Galicia en Lugo, tendo preferencia estes últimos para a cobertura das substitucións.

Novena: Unha vez que remate o proceso selectivo, o presidente da comisión elevará as propostas de selección ao órgano que proceda, co obxecto da posterior contratación con mellor dereito.

Décima: Para o non previsto expresamente nestas bases, será de aplicación supletoria a Lei 39/2015, do 1 de outubro, do procedemento administrativo común das administracións públicas.

Lugo, 9 de maio de 2019.

MODELO SOLICITUDE

Solicitud de admisión á convocatoria realizada pola Xefatura Territorial da Consellería de Política Social de Lugo con data 09/05/2019 para a cobertura de prazas de ATS/DUE en centros dependentes da xefatura territorial de Lugo e outras que puideran xurdir con carácter temporal por ausencia do/a titular durante o ano 2019 e ata o 31/01/2020

Grupo	Categoría/corpo/escala
II	2

NIF					
1º Apelido		2º Apelido		Nome	
Enderezo (rúa, praza, etc)			Núm.	Piso	Código postal
Localidade		Concello		Provincia	
Nacionalidade	Data de nacemento	Teléfono 1		Teléfono 2	
Correo electrónico:					

Ámbitos xeográficos que solicita:

Lugo	Monforte	Burela	Sarria

Requisitos:

- a) Cumprir a normativa sobre incompatibilidade do persoal da Xunta de Galicia
- b) Grao de coñecemento do idioma galego: só se lles concederá validez aos cursos ou titulacións homologados polo órgano competente en materia de política lingüística. (Marque cun "x" o que posúa):

	Perfeccionamento
	CELGA 4

c) Titulación académica, segundo a requirida na convocatoria para o posto ao que opta:

Denominación	Organismo emisor	Data

b) Outras titulacións:

Denominación	Organismo emisor	Data

Alego os méritos que especifico no anexo da presente solicitude.

En.....,de de 2019

Asdo. _____

CONSELLERÍA DE POLITICA SOCIAL

Xefatura Territorial de Lugo - Ronda da Muralla, 70 (Edificio administrativo) – planta baixa - Lugo

